



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KТРО 0012740 16  
Sarajevo, 01.02.2022.godine

SUD BOSNE I HERCEGOVINE  
SARAJEVO

Na osnovu člana 35. stav 2. tačka i) i člana 226. Zakona o krivičnom postupku Bosne i Hercegovine, podižem:

**OPTUŽNICU**

Protiv osumnjičenih:

- Sretko Obradović, ■, rođen 01.03.1966. godine ■  
■  
2. **Pravno lice „KRAJIŠKE KAPI“ d.o.o. Prijedor, Identifikacionog broja:** ■  
■ zastupano po Sretku Obradoviću, osnivaču i odgovornom licu u pravnom licu „KRAJIŠKE KAPI“ d.o.o. Prijedor

Što su:

- I. u vremenskom periodu tokom mjeseca marta i jula poslovne 2015. godine, **Sretko Obradović** kao odgovorno lice i direktor u pravnom licu „KRAJIŠKE KAPI“ d.o.o. Prijedor, izbjegao da plati davanja propisana poreznim zakonodavstvom Bosne i Hercegovine na način da je postupajući suprotno odredbama člana 4. stava 1. i stava 3. tačke (6) i člana 38. stava 2. i člana 39. stava 1. Zakona o porezu na dodatu vrijednost (u daljem tekstu: Zakon o PDV-u) („Službeni glasnik BiH“, broj: 9/05, 35/05 i 100/08) i člana 11. Pravilnika o primjeni Zakona o PDV-u („Službeni glasnik BiH“, broj: 93/05, 21/06, 60/06, 06/07, 100/07, 35/08 i 65/10) svjesno dao lažne podatke, odnosno nije dao zahtijevane podatke Upravi za indirektno-neizravno oporezivanje Bosne i Hercegovine o stečenim oporezivim prihodima pravnog lica „KRAJIŠKE KAPI“ d.o.o. Prijedor, tako što nije obračunao i prijavio izlazni PDV u iznosu od **9.331,93 KM** na osnovu evidentiranog manjka dobara u visini od 70.130,39 KM u maloprodajnom objektu PJ 3 za poreski period mart 2015. godine, niti je obračunao i prijavio izlazni PDV u iznosu od **41.733,28 KM** na osnovu evidentiranog manjka dobara u visini od 313.561,29 KM u maloprodajnom objektu PJ 1 za poreski period juli 2015. godine, čime je izbjegao plaćanje poreza na dodanu vrijednost u ukupnom iznosu od **51.064,21 KM**.
- II. **a pravno osoba lice „KRAJIŠKE KAPI“ d.o.o. Prijedor, Identifikacionog broja:** ■ što je kao pravna osoba u redovnom poslovanju raspolagala protivpravno ostvarenom imovinskom koristi u ukupnom iznosu od **51.064,21 KM** koju je u ime, za račun i u

korist iste ostvario **Sretko Obradović** u svojstvu direktora i odgovornog lica na prednje opisani način.

**Dakle**, izbjegavajući da plate davanja propisana poreznim zakonodavstvom Bosne i Hercegovine osumnjičeni **Sretko Obradović** nije pružio zahtijevane podatke, odnosno pružio je lažne podatke o stečenim oporezivim prihodima pravnog lica „**KRAJIŠKE KAPI**“ d.o.o. **Prijedor** koji su bili od uticaja na utvrđivanje iznosa obaveza, a pravno lice „**KRAJIŠKE KAPI**“ d.o.o. **Prijedor** raspolagalo protupravnom imovinskom koristi,

**Čime su opisanim radnjama:**

pod tačkom I. **Sretko Obradović** počinio krivično djelo „Porezne utaje ili prevare“ iz člana 210. stav 3. u vezi sa stavom 1. Krivičnog zakona Bosne i Hercegovine, a pravno lice „**KRAJIŠKE KAPI**“ d.o.o. **Prijedor** počinilo krivično djelo „Porezne utaje ili prevare“ iz člana 210. stav 3. u vezi sa stavom 1. a sve u vezi sa članom 124. tačkom c) Krivičnog zakona Bosne i Hercegovine.